

Ambil dos penggalak – Khairy

Oleh AHMAD FADHLULLAH ADNAN
6 Februari 2022

PETALING JAYA: Menteri Kesihatan, Khairy Jamaluddin meminta orang ramai untuk mengambil suntikan dos penggalak wabak Covid-19 buat mereka yang masih belum menerimanya.

Beliau berkata, ini bagi memberikan perlindungan gejala serius yang boleh menyebabkan kemasukan ke hospital atau Unit Rawatan Rapi (ICU).

"Walaupun vaksin boleh mengurangkan jangkitan, tujuan utama vaksin Covid-19 adalah mengurangkan keseriusan gejala.

"Dengan dos penggalak perlindungan anda daripada gejala serius yang boleh menyebabkan kemasukan ke hospital/ICU lebih baik. Ambil dos penggalak," katanya dalam satu hantaran di Twitter, hari ini.

Beliau berkata demikian bagi mengulas mengenai hantaran Pengarah Institut Penyelidikan Klinikal (ICR), Dr. Kalai Peariasamy berhubung kajian terkini ICR.

"Kajian terkini ICR menunjukkan lebih 90 peratus keberkesanan terhadap jangkitan Covid-19 daripada vaksin primer dengan dos penggalak berbanding dua dos lengkap.

"Perlindungan vaksin heterologous (dua dos vaksin Sinovac + vaksin Pfizer) lebih tinggi berbanding vaksin homologous (tiga dos Sinovac)," katanya.- UTUSAN ONLINE